

Q. D. B. V.
DISSERTATIO INAUGVRALIS MEDICA
DE

SVFFOCATIONE EX MVSTO FERMENTANTE

QVAM

RECTORE MAGNIFICENTISSIMO
SERENISSIMO PRINCIPE AC DOMINO

D O M I N O

GVILIELMO HEINRICO

DVCE SAXONIAE, IVLIACI, CLIVIAE, MONTIVM, ANGARIAE
VVESTPHALIAE, ET CETERA

AVCTORITATE ET CONSENSV
GRATIOSISSIMAE FACVLTATIS MEDICAE

PRAESIDE

VIRO MAGNIFICO

HERM. FRIDER. TEICHMEYERO

PHILOSOPHIAE AC MEDICINAE DOCTORE, ANATOMIAE, CHIRVURGIAE ET
BOTANICES PROFESSORE PVBLICO ORDINARIO, SERENISSIMI DVCS SAXO-
ISENACENSIS CONSILIARIO, CELSISSIMAE S. R. I. COMITIS DE HATZFELD ET
GLEICHEN ARCHIATRO, ET MEDICO PROVINCIALI, NEC NON ACA-

DEMIAE SCIENTIARVM BORVSSINAE SOCIO

PATRONO, PRAECEPTORE ET FAVTORE PIE COLENDO

PRO LICENTIA

SVM MOS IN ARTE MEDICA HONORES

IVRA ET PRIVILEGIA DOCTORALIA

LEGITIME MORE MAIORVM CONSEQVENDI
PVBLICO ET BENEVOLO ERVDITORVM EXAMINI SVBMITTIT

AVCTOR ET RESPONDENS

IOHANNES CHRISTOPHORVS TANNEBERG

IE N E N S I S

AD DIEM MAI. MDCC XXVIII.
HORIS ANTE ET POST MERIDIEM CONSVETIS.

IE N A E, EX OFFICINA MVLLERIANA.

DISSECTATIO IN ANATOMIA MEDICA

SVFFOCATIONE EX MVSTO FERMENTANTE

RECTORIS MAGNIFICENTISSIMO
SERENISSIMO PRINCIPIS AD DOMINUM

D O M I N O

GVILLIELMO HEINRICO

DUCE SAXONIAE, CIVITATIS OLIVIAE, ACUTIVAE, ANGARIAE

YVESPIAE ET CETERA

AVCTORITATE ET CONSENSU

GRATIOSISSIMAE FACULTATIS MEDICAE

PRaeside

HEINRICH FUCHS

PHILOSOPHIAE AC MATHEMATICARUM DOCTOR, ANATOMIAE, PHYSICAE ET
BOTANICAE PROFESSOR, PUBLICO ORDINARIO, SERENISSIMI PRINCIPIS
BENEDICTI COELENSTADTENSIS, ACADEMIAE MEDICAE, CHIRURGICAE ET
OBSTETRICAE, ET MEDICAE PROFESSOR, REGNI SAXONIAE

DEI ET ELECTORIS PALATINUS, ET AVCTORITATE ET CONSENSU

PRO LICENTIA

SVMMO ET AVTE MEDICAE DOCTORIS

ET RECTORIS FACULTATIS MEDICAE

IN OMNIBUS PARTIBUS ANATOMIAE, PHYSICAE, BOTANICAE, AGRICULTURAE
ET MATHESIN

IONANNE CHRISTOPHORE TAYLOR

PRaeside

PHILOSOPHIAE AC MATHEMATICARUM DOCTOR, ANATOMIAE, PHYSICAE ET
BOTANICAE PROFESSOR, PUBLICO ORDINARIO, SERENISSIMI PRINCIPIS

BENEDICTI COELENSTADTENSIS, ACADEMIAE MEDICAE, CHIRURGICAE ET
OBSTETRICAE, ET MEDICAE PROFESSOR, REGNI SAXONIAE

DEI ET ELECTORIS PALATINUS, ET AVCTORITATE ET CONSENSU



CAPVT PRIMVM
DE
SVFFOCATIONE IN GENERE.

§. I.

IN globo terraqueo vitam ducentes creaturas agere in fluido quodam elastico ac ponderoso, quod eas ambit ac premit, aërisque nomen gerit, multa experientia iam dudum comprobatum, et rationibus demonstratum fuit. Homo, qui in terra degit, etiam sine aëre vix ad paucula temporis momenta vitam protrahere potest. Et si eum non in corpus attrahit, animam efflare cogitur, aut minimum suas patitur lases, si aëris introitus et exitus libere non peragitur, aut fluidi huius mixtura est deprauata.

§. II.

MVLTVM enim confert aër ad vitam hominis, quatenus respiratione circulus massae sanguineae conseruatur,

A

et

et secretiones pariter ac excretiones promouentur. Et enim quando aëreae particulae in inspiratione proprio pondere per nares atque fauces irruunt in pulmonum substantiam, aliquo modo in hisce cavitatibus calefactae, illam extendunt, et vasa sanguifera simul cum cellulosa bronchiorum substantia premunt, ita, ut sanguis ex pulmonibus expellatur. In expiratione aëreae subtiliores et spirituosiores particulae cum sanguine miscentur, et illum, a peripheria ad centrum reducendum factum, ac particulis chyli refertum, reddunt elasticum, fluidum, calidum ac longe rubicundiores. Nam in motu retrogrado, et per venas tardiori, inspissatur humor sanguineus, ac cum lymphâ, una cum spiritibus secreta, maximam partem sit, elasticitatem amittit, ita, ut in pulmonibus nulla opus esse videatur refrigeratione pro temperando sanguinis motu, sed potius, ut sanguini deperditi spiritus iterum communicentur, quod per aëris miscelam optime in pulmonibus perficitur. Aër etiam, calidus iam factus, magisque subtilis redditus, ad omnes pulmonum partes aequaliter impingit, vasa premit, in vesiculas pulmonum irruit, et ita non frigidum sanguinem reddere, aut eius motum reprimere potest. Maxime itaque probabilis potius; secundum fide dignorum Anatomicorum sententiam, est conuassatio, vis sanguinis globulos disgregandi, et a se inuicem separandi, et acceleratus motus sanguinis, ac deinde aëris subtilioris in illum, per vesiculas numerosissimas, et millenos poros, in officia sanguineorum vasorum, in substantia pulmonum ramificatorum, transitus *. Exemplo enim eorum, qui mortem iamiam expectarunt, constat, quod per folliis flatum mitiorem in pulmones nonnullae adhuc circulationes fuerint absolutae, id quod tamen non succederet, si aër inflatus condenseret sanguinem, aut cum ipsa massa non immediate misceretur. Viri etiam experientissimi quidquam infusi aëris, pulmone adhuc calido

existente, in pulmonalem venam transiisse interdum videntur. Tentanti hoc experimentum sollicitissimo LITRE ita succedit, ut ad sinistram cordis ventriculum aer usque pervaderet. In echino animadvertit BLASIUS, inflatis pulmonibus auriculam cordis sinistram intumuisse **. *

* IOHANNIS BOHNII Circulus anatomic. physiologic. progymn. IV, pag. 66, 67.

** IOHANNES FANTONVS, in anatomia corporis humani, tom. I, diss. XIII, de organis respirationis, pag. 342.

§. III.

HISCE positis, corpus recte respirat, et homo sanum pectus possidet, quando vero respirationis negotium aut imminuitur, aut plane cessat, primordia ducunt morbi, in suffocationem exeuntes. *Suffocatio vero est cessatio actionis aeris in pulmones omnimoda, contingens vel ex ipsius aeris, vel viarum aëri ferarum vitio, summum mortis periculum inferens.* Si enim aëri non omnis aditus denegatus est, suffocatio erit pertimescenda, si vero plane intrare in pulmones aer nequit, suffocatio iamiam praefens est, et hominem, nullo hoc opinante, iugulat.

§. IV.

CAVSSAE igitur huius mali rimandae veniunt, et quidem ratione ipsius aeris, qui elasticitate vel imminuta, vel aucta suam vim exerit in animalia, et corpus humanum. Imminuta enim quando reperitur elastica aeris potentia, vel ex aeris minori copia, vel ex aëre nimis rarefacto et subtili, elater pulmones non extendit ad tantum spatium, ut possit sanguinis motus progressivus diu conservari. Unde sanguis sua elasticitate vasa expandit, ita, ut homines et animalia intumescant, et suffocentur. Videmus tale quid in hypocaustis, intensissime calefactis, ubi aer, nimis a calore rarefactus, respirationem imminuit, et homo diu commorari non valet. Homines porro, ex inferiore regione ad cacumen altissimi montis adscendentes, sentiunt periculum suffocationis.

nisi, nisi spongiam, aqua repletam, secum ducant. Sub campana antliae inclusa animalia, per extractionem aëris intumefacta. vivere desinunt. Et denique ex Neapolitanae cryptae historia adparet, causam suffocationis animalium, illi iniectionum, et extinctionis candelarum, non aliam esse, quam elastici aëris, ab aethereae materiae excessu expulsi, defectum *.

* IOHANNES FANTONVS in 'anatomia corporis humani, tom. I, diff. XIII. de organ. respiration. pag. 335.

BERNARDVS CONNOR de antris lachryferis, articul. IV, pag. 35. et 36, articul. IX, pag. 59.

§. V.

VERVM ENIM VERO cum aër ex altera parte varia etiam spicula, prout alia fluida, sua in interstitia recipiat, et grauitas pro harum constitutione fiat maior, et ipsae molecule sanguini adferantur, sequitur exinde partim nimia in pulmonibus pressio, cum periculo diuulsionis canaliculorum et vesicularum, partim vasorum coarctatio, aut relaxatio, partimque sanguinis coagulum et spissescencia. Quando nempe premeus aër superat resistantiam pulmonum et thoracis, sanguis vno impetu quidem expellitur, sed reditus alii sanguini sufficiens non conceditur, quando autem molecule inferuntur nociuae ipsi sanguini, pro harum vi nocente diuersa varie etiam laeduntur aut pulmones, aut in illis contentum fluidum, vti ex sequentibus patebit.

§. VI.

TALE augmentum potentiae prementis et elasticitatis consistit in aëris qualitate vitata. Vti enim aër nimium serenus et rarefactus homini Zonae temperatae est offensus: ita etiam noxiis particulis repletus, et sic densus nimium redditus, labem machinae eidem inducit. Transferuntur vero eiusmodi spicula ex terrae gremio, sub vaporum et exhalationum forma, in aërem, vtpote aqueae, terreae, salinae, sulphureae, mercuriales et igneae particulae *, quas ho-

homo semper cum aëre haurit, et illarum efficaciam experiri cogitur.

* FRIEDERICVS HOFFMANNVS in medicin. rational, systematic, tom. II, pag. 297.

§. VII.

OMNES hae particulae, per radios solares, aut ignis vim attenuatae, et per aërem diffusae, sunt potissimum vel ex regno vegetabili, vel animali, vel minerali. Quem enim flagit, multos suffocatione diem supremum obiisse in cellis cereuisiae, et musti fermentantis, in conclauibus, calce viua recenter dealbatis, aut locis clausis, et fumo carbonum adimpletis, in metallifodinis, vbi phaenomenon vocant *den Berg - Schwaden*, *den Berg - Broden*, *das Berg - Liecht*, *den Berg - Geist*, laboratoris aluminosis, mercurialibus, arsenicalibus, vitriolaceis, cupreis, lithanthracum fornacibus, lithargyrii in officinis, et aliis fodinis subterraneis, cryptis vaporosis, virulentis et acidis, exhalationibus cloacarum, puteorum, tempestate summe frigida, aut in montanis regionibus, multisque lacubus circumdatis. Extra omnem enim dubitationis aleam cum positum sit, fumum, magna in copia pulmones irruentem, non solum tusim excitare, sed etiam hominem denique suffocare, vti incendia varia produnt tristia exempla; multo magis fumus, ex particulis sulphureis, acidis, salinis conflatus, eiusmodi tragoediam, quamvistali copia non adfit, ludere potest. Loquitur enim experientia de carbonum fumo nociuo iam a primis medicinae incunabulis. Exempla enim ROMANORVM, GALENI, COELII AVRELIIANI, MEDICORVM ARABVM, EVROPAEORVM, PARISINAE ACADEMIAE, aliorumque recentiorum edita scripta, testimonia praebent multa ac horrenda de hocce carbonum fumo. Sufficiat vnum tantum probationis ergo adferre, quod heic Ienae euenit, vbi in tabernula vineae cuiusdam ad noctem ante festum natiuitatis Saluatoris anni

CIO 1500 XV nonnulli conuenerunt exorcizandi gratia, et cum tempus esset acerrime frigidum, foramina tabernulae occluserunt, et carbones accenderunt, quorum fumus deinde spiritum duobus suppressit, id quod vni ex vigilibus tali etiam modo accidit. Hocce eo citius vero se exserit, quando habitaculum recenter aedificatum, aut nouiter dealbatum est, quod monachum quemdam summum in vitae periculum abripuit *. De iis, quibus cum fossilibus res est, aut qui eorum examen incaute intendunt, innotuit, quod ex fumo virulento metallorum incidant in asthma montanum, saturninum, siue conuulsiuum, in *die Hütten - Katze*, quoniam hic morbus eiusmodi opificibus familiaris habetur **. Arsenici vapores porro cito duos adolescentes e viuus eripuissent, nisi alii, in vicinia strepitum et rumorem exaudientes, illos, fractis foribus, a periculo liberassent, cum in fornace hospitii facto foramine arsenicum figere intenderent. Inde quippe alter epilepsia correptus, a qua vix liberatus, alter vero fere suffocatus deprehensus fuit ***. Quod intra terram naturae lufibus, aut supra illam per artificium ex corporibus subterraneis extrahitur, idem etiam oculis cernimus quibusdam in locis supra terram, vti notum satis est, in diuersis Europae locis, et alibi terrarum, varios reperiri meatus et cauernas, vel arte effossas, vel a natura formatas, ex quibus veneficus vapor emanat, vel aura, Anglice *damp*, quae respirantia ibidem animalia suffocat. Ferales huiusmodi *cryptae* vulgo *Charoneae scrobes* nuncupari solent, quarum diuersae species recenseri possunt. Aliae nempe cauernae vapores acerrimos et sensiles in notabili copia eructant; aliae vero nullam auram, vapores nullos, vel fumos ad sensum emittunt, aut odorem, sed occulta quadam, efficaci tamen, virtute grassantur. Aliae sensim et sine sensu, et non nisi post plures horas, aut dies extinguunt; aliae vero subito, et in vno horae instanti ad mortem praecipitant.

Aliae

Aliae denique animantia tantum trucidant; sed aliae sunt, quae non animalia solum omnia, sed et accensas faces, et omnes cuiusvis naturae flammās, non sine spectantium stupore, citissime extinguunt. Inter eas vero scrobes, quae animalia simul et candelas enecant, aliae sunt, quae spisso fumo, aut vapore obscuratae sunt, aliae vero sine villo prorsus vapore eundem effectum produciunt ****. Harum cauernarum diuersas species Italia nobis offert in primis, vbi notatu dignissima habetur *Neapolitana*, ad sinum Puteolanum, *Grotta di cane* dicta, cui tamen non absimilis ostenditur etiam locus in Germania, circa *acidulas Sivalbacenses*, vbi prodigium in pago occurrit, vix decem passuum interuallo a *Brodelbrunnen*, cella, vel crypta quaedam, certo loco et tempore, et ad quandam ab horizonte altitudinem, *nebula* quaedam *sulphurea et acida*, indigenae *saure Lust* vocant, perfusa, qua animalia intra quadrantem horae pereunt *****. Cloaca profunda, et spatii admodum angusti, *Augustae Vinde-licorum* cum expurgari curaretur, non solum candela lucem amisit, sed etiam homo quidam, cloacam mundificandi sine immisus, vitam cum morte mutauit. Exempla similia prostant eorum, qui ex fumo candelarum sebearum, et vaporibus putei vrbis *Rennes* obierunt, quod vltimum *academia* annotauit *Parisi*na *****. Frigus tandem, et loca, lacubus adiacentia, homines ad suffocationem praedisponunt, quoniam frigidus aer condensatus aut sanguinem a peripheria ad centrum repellit, propter vasorum extremorum compressionem, vnde respiratio aliquo modo difficilior fit, aut vapores cum aere premit corpus versus, aut inspiratus frigidus aer per se humores coagulare valet. Humidus vero, paludosus et aquosus aer laxitatem solidorum producit, et viscositate sua volatiles supprimit sanguinis particulas, et ipsum deinde tali aere conspurcatum reddit viscidum, vnde struma Hispanis ac Alpinis morbus communissimus et in-quinus est * *****.

* FRIEDERICVS HOFFMANNVS in medic. consultat. tom. V, de-
cur. III, cas. IV. Et cui collectionem exemplorum horum legere placet, e-
uoluat eiusdem auctoris Gründliche Anweisung, wie ein Mensch vor dem
frühzeitigem Todt und allerhand Arten Kranckheiten durch ordentliche
Lebens-Art sich bewahren könne, tom. V, pag. 539, et seq.

** RAMAZINI de morbis opificum.

*** Illustris ac beati GEORGII WOLFFGANGI WEDELII diss. de
asthmate, pag. 12. item in diss. de arsenico.

**** BERN. CONNOR l. c. artic. I, pag. 5, et 6.

***** IOHANNIS NICOLAI PECHLINI obseruationes physico-me-
dicæ, libr. III, obseru. XLIV, pag. 535.

***** HOFFMANN in der gründlichen Anweisung, l. c.

***** IOH. MARIA LANCISIVS de noxiis paludum effluuiis.

§. VIII.

HAEC omnia itaque corpus nostrum nociue ado-
riuntur. Noxa consistit in aëre nimis denso, et particu-
lis salinis, acidis ac sulphureis scatente, quæ in aqueis con-
tentæ, omnia absoluunt phaenomena. Sed an hæ parti-
culæ magis adficient pulmones, an vero magis in solidas,
ac neruofas cerebri partes agent, illas in tono laedant, at-
que gas sulphureum spiritus vitales et animales sufflami-
net, dubium adhuc esse censetur. Verum ubi fluidum quod-
dam maius spatium, et minorem resistantiam, inuenit, ibi et-
iam maiori vi intrat, et suostentat conatus: in pulmonibus
autem aër amplius reperit spatium, ac fauces minorem
dant resistantiam, quam nares. Qua ex ratione concluden-
dum erit, particulas salino-sulphureas primario agere in
pulmones, et postmodum sanguinis circulo, ex respiratio-
nis læsione anomalo facto, coagulum fieri in vasis menin-
gum, ita, vt spiritus in negotio, per vasorum distensionem,
turbentur et comprimantur. Verum enim est, quando vita
tollitur, spiritus etiam debere adfici: hoc vero non fieri pri-
mario, ac solum, sed potius secundario, ac per motum
sanguinis anomalum, patet exinde, quoniam pulsus
adeft, in hisce subiectis, durus et tremulus, et metallurgi
simul

simul ac offenduntur a tali hoste, sibi repraesentant canem, vel aliud animal, pectori incumbens, et ipsos prosterrens. Alii paululum reuiuiscences, conqueruntur de dolore lateris sinistri circa diaphragma. Quae nos commonefaciunt, primariam morbi sedem esse organa respirationis, ubi non tantum spissus fodinarum fumus processu temporis bronchiales lobos replet, et grauiam inducit symptomata, sed etiam plerumque particulae salinae, acidae, vel sulphureae pulmones peruadunt in sanguinem, illique paulatim consistentiam crassiore conciliant. Constat etiam, quod non solum densus, et grauis aer, sed praecipue irruptio eius in pulmonem inducat grandem molestiam, et sensum suffocatorium, id quod aperte experimur occurrentes vento vehementer spiranti *. Homo ex odore, ipsi inimico, si patitur fortissimum animi deliquium, mori quidem potest, sed non moritur suffocatione, quoniam aer tunc temporis non ita impurus existit, ut laedat respirationem, sed adficit solummodo improporionate neruos olfactus, unde liquidi neruei motus oritur irregularis, et cordis aliqualis constrictio. Si enim a vasorum cerebri atonia primario fieret suffocatio, prius adficerentur forsitan vicina membra quam pulmones. Inspectiones demum manifestant suffocatorum mortis modum, ubi dextra cordis auricula, et vasa sanguifera a sanguine stagnante sunt distenta, propter respirationis finem, quae deinde spiritus, et genus neruosum coadficiunt. Tota itaque res in eo versatur, si aer improporionatus, et ad respirationem ineptus, intrat pulmones, illi non possunt resistere, ac fluidum expellere. aer vero ab extra pressus, vesiculas pulmonum aereas obstruit, et reliquum bonum aerem, ad porulos adpellentem, remouet **; aut si acerrimis salinis particulis abundat, qualis datur in metallifodinis, ubi spiritus quidam acidus metalla disiungit et mutat ***, intrat quidem ab initio per extremitates bronchiorum, sed vasa

postea coarctat, et sanguinem viscidum reddit, ita, vt vesiculae pulmonum interdum arenulis infarciantur; aut si aer est aquoso-terrestris, vasorum pulmonalium ac faucium totum destruit, ita, vt fiat exinde coagulum humorum.

* IOHANNES FANTONVS, in anatom. corp. human. l. c. pag. 334.

CONNOR, libr. citat. artic. XI, pag. 79.

** Idem auctor, l. c. artic. III, pag. 32, et artic. VIII, p. 55.

*** Idem, l. c. artic. II, pag. 12.

§. IX.

ALIAE postmodum abolitae respirationis, seu suffocationis, plus minus imminuentis, dantur, praeter aeris vitia, causae, quae viam, quam aërmunit, et iter, quod adfectat, praeccludere valent. Hocce vero peragunt vel essentialiter in locum respirationis ipsum faeuientes, vel per consensum, quando alio in loco causa morbifica habitans genus nervosum per pulmones adficit. Essentiales respirationis causae ex duplici potissimum hauriendae sunt fonte, quatenus respirationis, seu aeris admissio et reciprocatio tollitur* vel

PRIMO vitio viarum, aerem non transmittentium, vt oris, nasus, palati, gulae et laryngis. Qua ex re suffocationem minantur, et deinde producant oris occlusio, aut contorsio, naturae errore facta, polypus narium; vbi caro fungosa, nimis excrescens, non tantum nares obstruit, sed interdum quaedam crura in fauces protendit. Columella laxior longiorque euadens, quando in fauces et oesophagi caput illabatur, titillatione molesta, qua qui adficitur, hanc perpetuo vorare frustra contendit, metuitque, ne eius impetu stranguletur, quae si inflammatur, in fauces illapsa, maiore taedio, quam relaxata, suffocationis metum concitat**. Tonsillae inflammatae, ardore, dolore et siti inflatae, aut harum inflammatio in abscessum degenerans, et vlcus sordidum ac foetidum relinquens, aut harum induratio, et in scrophulas, scirrhosque tumores mutatio, suffocationem gignunt. Angina est periculosa, cynanche vero

ro omnium periculosissima, quia muscutorum internorum laryngis inflammatio meatum magis praecludit, et intra vnum diem, plerumque intra quartum iugulat, vbi interdum etiam aegrum sublatum vidimus horis octodecim, constante mente, integrisque sensibus; angina non numquam prouenit a lue venerea, quod exemplo probatur rustici cuiusdam, qui ex recidiua luis venereae incidit in anginam, quae illum breui iugulauit tempore ***. Strumae quando non solum multiplicantur, sed in molem excrescunt, aut intrinsecus in collo producuntur, adeoque aliquando iugulum occupant, tunc suffocationis periculum instat, et patientes diem obeunt supremum per suffocationem, vti a bronchocele, in primis, si vasa ita sunt distensa, vt curationem non admittant, aut harum compressio, asperae arteriae illata, illam colli vertebri adprimat ****. Omnes idcirco hi morbi non sunt contemptui habendi, cum glottidis constrictio, diutius durans, suffocando mortem ipsam accersere queat. Obseruatae enim sunt in virili cadauere vlcerosae arytaenoides, earumque crassities ita adaucta, vt angustissimus meatus aegro difficillime, qui dudum sic vixerat, respiranti superfuisset *****.

SECVNDO oritur suffocatio vel vitio thoracis, vel pulmonum, male constitutorum, et aerem extrinsecus irrumpentem non admittentium. Hocce vero vitium consistit vel in parietibus, vel in ipsa pulmonum substantia, vel in sanguinis constitutione. Has ob rationes omnes pulmonum adfectus suffocationem procreare valent, in primis vero asthma, quod licet morbus sit chronicus, tamen paroxysmos habet acutos, ob loci mobilitatem, quo grauiter adfecto homo diu viuere nequit, vnde infantes suffocat, senes extra curationis spem sunt, et iuuenes interdum adhibita omni curationis industria difficulter curantur, plures tamen nullo modo, sed non raro cachexia, vel hydropo cor-

ripiuntur. Orthopnoea reliquis respirationis morbis grauior est, et saepe grauium paroxysmorum insultu suos suffocat aegrotos. Orthopnoea enim ingrauescente, lentus humor in grandinem concrevit, atque haec tandem in veros calculos, et haec quidem aliis sine dyspnoea, aliis cum suspiriosa orthopnoea obtingunt, qua cum qui conflictantur, vehementi angustia pressi, prope suffocantur *****. Supremus gradus horum morborum nomen gerit catarrhi suffocativi, quoniam paucis horis vel per infarctum pulmonum ex sanguinis abundantia et turgescencia, vel per viscidum, acidum, coagulatum et inspissatum sanguinem aegrum suffocatione mori iubet: vti et hydrops pectoris ac pulmonum per lymphae infarctum ac stasin, peripneumonia et pleuritis per vasorum vel pulmonalium, vel tunicae pleurae inflammationem, phthisis, et vomica pulmonum per vlcus apertum, aut peculiari tunica inclusum homines eodem modo, vt antecedentes morbi, tollunt *****. Quando ad postremum totum corpus reperitur succulentum, et quidem ultra modum, ita, vt corpulentia nimia laboret, sunt eiusmodi subiecta ad motum tardiora, vt plurimum de difficili respiratione conqueruntur, et anhelosa deprehenduntur, vti plura prostant exempla, et quidem primo cinis quidam Hanouiensis anno aetatis XLVI pinguedine suffocatus est, deinde aulae magister Schaumburgicus, Naurath dictus, anno XLVII aetatis apoplexia, a corpulentia nimia nata, subito defunctus dicitur. Expositi enim sunt eiusmodi homines crassi catarrho suffocatiuo, paralyfi, apoplexiae, hydropi, et infantes praeprimis non solum a pinguedine incidunt in conuulsiones, sed etiam suffocantur interdum *****.

* MICHAEL ETTMVLLER, in oper. tom. II, part. I, colleg. praetic. sect. XIV, pag. 189.

** IOHANNES FERNELIVS, libr. V. de partium morbis, et symptomatibus pathologiae, cap. IX, pag. 104.

*** CAROLVS MVSITANVS, in trutin. medic. libr. I, pag. 243.

FERNELIVS, l. c. pag. 105, et 245.

**** MVSITANVS, l. c. pag. 209, 220.

IOHANNES DOLAEVS, in encyclopaedia chirurgica rationali, libr. II, cap. II, pag. 254.

***** IOHANNES FANTONVS, in anatomia corporis humani, part. I, diff. XIII, de organ. respiration. pag. 322.

***** MVSITANVS, in trutina medica, libr. II, pag. 379.

FERNELIVS, l. c. libr. V, pag. 106.

DOLAEVS, in encyclopoed. medic. libr. II, pag. 135, & 138.

***** Magnificus dominus PRAESES, diff. de hydrope pectoris, §. XIV.

MVSITANVS, in trutin. medic. libr. II, pag. 390.

FERNELIVS de morbis part. libr. V, pag. 108, 113, 114.

DOLAEVS, in encyclopaed. medic. dogmatica, libr. II, pag. 160.

***** DOLAEVS, in encyclopaed. chirurgic. rational, libr. V, cap. I, pag. 469, 471.

CHRISTIANI LVDOVICI WVCHERERS diff. de corpulentia nimia, §. XVI.

§. X.

TERTIVM suffocationis genus maximam partem dependet a vitio musculorum et neruorum, ad respirationis negotium requisitorum, thoracem, et consequenter pulmones et alias partes non legitime dilatantium ac mouentium, et ita aerem non sufficienter repellentium. Quando hoc in corpore deprehenditur, morbi essentia etiam in alia parte delitescens, suffocationis malum edere valet, quoniam genus neruosum in toto corpore connexum est, et muscoli adfecti neruos etiam in consensum trahunt. Nam quando spirituum animalium motus est imminutus aut impeditus, cessat etiam partium actio, et debitum subire munus nequeunt, vnde apoplectici ob denegatum spirituum motum, et paralytici ex resolutione neruorum semper aliquid cum suffocatione constitutum habent. Ex conuulsione contra, spasmo musculorum et neruorum, laryngem, pulmones ac diaphragma mouentium, imminet suffocatio, larynx stringitur, et epiglottis clauditur in variis morbis. Hac ex causa

cardialgia est magna quaedam circa praecordia anxietas, cum ventriculi dolore grauatiuo et rodente, et suffocationis periculo, a ventriculi et diaphragmatis distensione et compressione, saepe a flatulentis vaporibus, exitum non inuenientibus, oborta, quae lethalis, atque miris stipata symptomatibus, in Consiliario quodam Nassouico obseruata fuit: huic adnecti iure optimo potest singultus, adfectus periculofus, qui ab adfecto ventriculi ore, imo a cardialgia proserpit, ac insignem fibrarum ventriculi tensionem et dilatationem fieri denotat, vnde lipothymia timenda est. Qui singultus porro quando cum aphonía iungitur, pessimus habetur. Vox enim abolita significat singultum a pulmonibus excitari ex neruorum sextae coniugationis consensu, qui est in cerebro cum stomacho et organo vocis. Confirmant denique dicta cardialgicae suffocationes feminarum, ex suppressione mensium et colica haemorrhoidali natae, vbi dicunt: *es wäre, als wenn man ihnen mit zwey Händen etwas zusammen drückte, daß ihnen der Oehem ausbleiben möchte*, et colica haemorrhoidalis, male per pellens decoctum tractata, vbi patiens noctu obdormiscens anxiiis pathematibus colicis, cum singultu vehementi, cruciatus, in suffocatiua pathemata incidit*. Reliqua in abdomine contenta viscera suffocationi interdum ansam praebent. Vermes enim sua vellicatione et rosione saepe totum genus neruosum grauiter adficiunt, et ingentes conuulsiones ac spasmos inducunt. Nam filia quatuordecim annorum a vermibus non tantum ingentem colli constrictionem, quasi laqueo iniecto, fauces praecludente, cum imminente suffocationis periculo, sed vtriusque insuper tum brachii, tum cruris motum conuulsuum perpeffa fuit. Praecipuae hydropis species suffocatione finiuntur. Quod si enim in anasarca aquosus humor in tantam creuerit molem, vt in thoracem penetret, et iam asperam occupet arteriam, deinde tussis superueniat, periculum

lum est, ne haud ita multo post homo suffocetur; in ascite respiratio difficilis et crebra et anhelosa est, diaphragmate scilicet in motu impedito; tympaniten semper comitantur haec tria symptomata, dyspnoea, urinae paucitas, et sitis intensa, et ex hydrope vteri saepe stamina ducit eius suffocatio, estque hydrops vteri difficilis curatu, ob grauissima symptomata, quae secum importat **. Hystericorum porro symptomatum grauissimum est strangulatus. Malum enim, altius in fauces innuens, eas quasi vinculo constringere, aut manu praeccludere videtur, prorsusque spiritum intercipere magno suffocationis metu, mulieres corrunt veluti attonitae, iacent sine motu, sine sensu vlllo, respiratione adeo parua et rara, vt interdum nulla esse credatur, tanquam ipsae iam mortuae extinctaeque essent, at nihilominus pulsus interdum constans, validusque est, interdum obscurus, paruusque, vt ne percipi quidem possit, adeo, vt in paroxysmo cognoscere ante omnia debeamus, an mulier viuat, id quod diuersa probant exempla ***. Haud absimile spectaculum ab hystericeis repraesentant hypochondriaci, supremo gradu adfecti. Incidunt enim non solum in asthma, sed plerisque fauces fictitate praeccluduntur; sic enim iuuenes studiosi hypochondriaci quandoque maxima suffocatione laborant ****. Vicia denique, quae ad habitum cutaceum deposita, ibi eliminari gestiunt, et morbi exanthematici vocantur, vt scabies, petechiae, morbilli et variolae, quando exitum non acquirunt, aut egressae iam repelluntur, hominis collo ligaturam iniiciunt. De variolis enim liquet, quod eruptio blanda, et constans, sit optima, si vero modo adpareant, modo retrocedant, respiratio difficilior reddatur, aliaeque symptomata grauiora adsint: Faucibus vero in primis sunt funestae variolae, in quibus suffocatoria pathemata, atque adeo agrypniam quasi inducunt; omnes enim, qui ex variolis in-

ter-

tereunt, vel ex angina moriuntur, vel suffocantur propter faucium et pulmonum oppletionem, vel alui profluuium, praefertim dysenteria, vel denique convulsionibus pereunt *****.

• DOLAEVS, in encyclopaed. medic. dogmatic. libr. III, cap. I, pag. 202, 206.

MVSITANVS, in trutin. medic. libr. III, pag. 555, 556.

IOHANNES IVNCKER, in medic. theoretic. practic. tabul. XV, pag. 117.

GEORG. ERNEST. STAHL, in der Abhandlung von der goldenen Ader, pag. 92. Astorum medicorum Berolinensium decadis II volumen IV, pag. 81, et 88.

** HOFFMANN, in medic. rational. systemat. tom. II, part. II, cap. XI, pag. 321.

MVSITANVS, l. c. pag. 687.

DOLAEVS, libr. c. libr. III, pag. 270, 271, et libr. V, cap. I, pag. 480.

*** FERNELIVS de part. morb. et sympt. patholog. libr. V, cap. IX, pag. 207, et in consiliis medicis, consil. LIII, et LIV, pag. 375.

IACOBVS HOLLERIVS, in oper. omnib. practic. libr. prior. de morbis internis, cap. LI, pag. 508.

*** FERNELIVS, l. c. pag. 149.

ETTMVLLER, in oper. tom. II, part. II, colleg. consultator. cas. XVI, pag. 179.

***** Magnificus Vir, IOANNES ADOLPHVS WEDELIVS, in diss. de variolis.

ETTMVLLER, in oper. tom. II, part. I, colleg. practic. section. XIV, pag. 349, 356.

§. XI.

BENE corpus humanum posthac potest esse constitutum, ita, ut neque suffocationis causa in conspurcato aere, neque in viarum vitio fundata sit, et tamen homini spiritus supprimatur. Per iniurias enim, ab extra illatas, aut aeri introitus adimitur, aut viarum unitas soluitur, aut illarum spatium coarctatur, aut obstruitur. Nam ii, qui submerguntur ponto, partim interficiuntur propterea, quia non possunt attrahere aerem, partim, quoniam aqua frigida pulmones afficit, vel sanguinem, in iis praesentem, coagulat,

lat, vt suffocati intereant. Alii, quibus vulnus inflictum est, ita, vt vasa iugularia sint dissecta, aut aspera arteria dis-
cissa, sanguinis profusione in tracheam suffocantur, quem-
admodum, si interdum tumor et inflammatio vulnere su-
peruenit, respiratio intercipitur, et hinc gangraena ac
sphacelus ostia pulsât, quae aegrum subito iugulant. Alii,
qui laqueo, vel via iuris, vel ex ipsa desperatione e viuus ex-
cedunt, vltima soluunt suffocatorum more, ita, vt in illo-
rum pulmônibus sanguis coagulatus, et striae liuidae depre-
hendantur. In genere quicquid laryngis et epiglottidis
motum debitum ac dilatationem impedire potest, suffoca-
tionem minatur. Vnde etiam pili, epiglottidi casu inuoluti,
res externae, in illam importune illapsae, vt acus, boli,
frusta maiora, fungi suffocatorii, strangulationem inferre
possunt *

* IOHANNES CONRADVS BECKER, paradoxo medico-legali de
submersorum morte sine pota aqua.

IOHANNES BOHNIVS, examine vulnerum lethalium, diff. de
viuis mortuisque aqua submersis, suspensis ac vulneratis.

MVSITANVS, in trutin. chirurgic. physic. tom. III, pag. 268.

RVDOLFF WILHELM CRAVS, diff. de restitutione, in vitam
suffocatorum laqueo, vel in aqua.

CAPVT SECVNDVM DE MVSTI VI SVFFOCANTE.

§. I.

SPECIALE examen meretur mustum, et quomodo hoc vitales
vias et respiramina claudere valeat, in hoc paulo adcu-
ratus inquirendum erit, quia de illius vi suffocante, et mo-
do enecandi eruditi adhuc inter se disceptant. Suffocatio-
nem, experientia confirmatam, negare tamen non possunt.

C

Re-

Recenti enim in memoria adhuc haerebit casus funestus, qui mense Octobri anni nuper circumacti CIO. DCCC XXVII. heie Ienae accidit, vbi vir quidam consistentis aetatis, et habitus corporis robusti in cellam, musto fermentante adimpletam, descendit, vt dolia quaedam repleret, qui, trium horarum spatio cum non adscenderet, aliis occasionem praebebat de huius obitu fatali cogitandi, quod illos etiam non fefellit. Nam inuenerunt hominem, vita orbatum, et iacentem in suggestu inter dolia, et quidem apud illud, quod replere annisus erat. Hunc simul ac extraxerunt, viderunt spumam ante os, mucum narium profluentem, totum corpus tumidum, et magnam seriem macularum subfuscarum, in cute sese ostendentem, ita, vt eiusdem generis necem cum suffocatis ex carbonum fumo eum perpeffum esse videretur. Eodem tempore ciuis quidam alius cellam, ante dictam, prius ingressum liberandi gratia, intrans mox vitam amisisset, nisi alii periculum incurrenti auxilio fuissent, eumque liberafent, vbi ex ore et naribus extracti sanguis erupit, et deinde saluberrimis medicamentis in integrum restitutus fuit.

§. II.

PRIOR itaque casus a nobis solummodo in examen vocandus erit, in quo suffocatio est aëris actio in pulmones cessans, facta ab aëre, multis particulis acido-sulphureis volatilibus referto, pulmonum vasa constringente, ac sanguinem coagulante. Immediata itaque suffocationis causa apprehenditur vasorum et vesicularum pulmonalium pressio, constrictio, et massae sanguineae coagulatio, ita, vt pulmones aërem non amplius potuerint expellere, quoniam vis premens fluidi intrantis fortior fuit tono et resistentia pulmonum. Vnde respiratio et conquassatio cessat, circulus sanguinis successiue sistitur, et vltimato in auricula cordis dextra sanguis colligitur et stagnat.

§. III.

ILLVD, quod crispaturam vasorum, et sanguinis coagulum efficit, est aër, qui particulis, ex musto expulsis, onustus in pulmones irruit, illos expandit, vasa reserat, ac se cum sanguine miscet, et suis particulis partim vasa, partim ipsum fluidum sanguineum adgreditur, reliquis vero subsequens in thoracem pressus ibi permanet; vnde sanguis mirum in modum adfectus, tarde mouetur, pulmones nimis expansi, motum reciprocum praestare nequeunt, et solidi ac fluidi mu-ruus impulsus, in quo consistit vita, ab initio imminuitur, in fine vero cessare cogitur, ita, vt aegri catarrho suffocatio sanguineo intereant.

§. IV.

EIVSCEMODI aëris particulas de acidi natura participare, aut sulphuris et carbonum fumo similes esse, ipsius musti concretum palam facere videtur. Quando enim cui-dam mustum, in fermentatione constitutum, in sua principia dissoluere volupe est, habet ea cum vino communia, spiri-tum nempe inflammabilem, phlegma, sal acidum tartare-um, et sulphuream quandam oleosam substantiam, quae o-mnia in vino continentur *. Haecce cum sese non mani-festent, inuoluta viscositate quadam, per ipsam fermentatio-nem a compedibus liberantur, et illud, quod volatile, aut aliis specificè leuius, inexistit, per motum propellitur in aëris interstitia. Siue dicas gas sulphureum, siue acidum vo-latile, perinde mihi erit. Nam dulcia in recessu a-cida sunt, in corpus adsumta fermentationem inducunt, valde tenaces et glutinosos humores reddendo viscera in-farciunt, hepar et lienem obstruunt, et ad generationem morborum chronicorum multum contribuant, ac cibis in-temperatis et insalubribus adnumeranda sunt, propter aci-dum, in viscoso principio contentum, quod peracta chymi-ficatione explicatur, et se acidis in ructibus, aut flatibus

manifestat, cum secunda mensa in imbecillo stomacho accescat, vti mellita, saccharata, fructus dulces, et musta; cum musti sapor dulcis, viscositas ac fermentatio particulas prae se ferant acidas. Praequirat scilicet fermentatio corpora diuersi ponderis ac mensurae, quae contenta in fluido cohaerente premuntur, ita, vt grauiora tendant ad centrum, elastica vero, et aliis specificè leuiora, aut volatilia in interstitia fluidi, propter descensum grauiorum ad maiorem leuitatem deducti, penetrent, compressione paululum cessante fluidum pellant, ac vno momento plures sub vaporum forma auolent. Tale quid etiam se offert in musto, vbi principia in oleosa ac viscida substantia continentur, donec particulae grosiores tartareae fundum petunt, volatiliores vero, sulphureae et acidae elasticae superiora occupant spatia, et in auras abeunt, qua fermentatione peracta mustum mutatur in vinum, quod alium acquirit colorem et saporem. Confirmatur adfertur hocce sequentia per experimenta. Quando nimirum fermentationis tempore dolii orificio superimponitur alembicus, adscendit spiritus volatilis sulphureae naturae, siue gas sulphureum, quod, vti sulphur metallifodinarum, et cryptarum vapore sarum, singulare in se continet acidum vaporosum et nocium. Quando porro musto iniiciuntur mitiora acria, cum mucilagine iuncta, vt saccharum, aut terrea absorbentia alcalia, vt cornu cerui vltum, et caput mortuum spiritus carminatiui, aut martialia, vt limatura martis, fermentatio oritur, in qua necessario acidi pars abundans propelli debet, id quod tamen melius in fermentatione musti sine additamento successiue peragitur. Vinum enim, et spiritus vini postea acidum adhuc in decenti quantitate possident. Mustum enim clarum sic arte fermentationem subiit. Per chartam bibulam filtratum, hinc sepositum, et altero die pauco saccharo addito animatum, primo turbari coepit. Nam quam diu clarum est, non fermentat,

tat. Hinc successiue bullulae ex imo eleuabantur, similes iis, quae oriri solent, quando acidum terreo, vel minerali, vel alcali fixo adfunditur, dum rosio, et mutua actio intercedit. Hinc augeri successiue istae bullulae, et turbari mustum coepit, in tantum, vt etiam bullularum copiosissimarum prouentus et susurrus audiretur. Haec dum fiebant, successiue materia quaedam fundum petere, & sensim augeri coepit. Interim continuabat quasi ista strepitans efferuescentia, et materia in fundo augebatur, donec pedetontim cessarent bullulae, clarescebat liquor, euanescebat strepitus, et, quae obscurabant liquorem, quasi dispersae vndique nubes, successiue fundum petere, et visibiliter gradatim a summo ad ima descendere, et hinc liquor clarus, perspicuus, citrinus, sapore et ceteris proprietatibus vinosus superesse coepit. Peracta fuerunt haec spatio octo dierum, in hypocausto, moderate tepido **.

** Magnificus dominus PRAESES, in institutionibus chymiae dogmaticae et experimentalis, part. II, cap. III, pag. 76.

** EFTMVLLER, in operib. tom. I, in tentamin. chymic. tentamin. XVII, pag. 347.

IOHANNES KVNCKEL, in laboratorio chymico, part. IV, cap. IV.

§. V.

EFFECTVS tandem vaporum musti respondet etiam illi, qui est ab exhalationibus cauernarum subterranearum, et carbonum fumo. Hic suffocat homines per sanguinis stasin, ab acido aëre illatam: Ille simile quid praestat in cella, musto fermentante repleta, per particulas volatiles acido sulphureas. In antris facies exstinguuntur vel ex defectu aëris elastici, vel ex grauitate, condensatione et pressione nimia: In cellis idem adparet, quoniam aër nimis grauis adest. Huius elasticitatis enim vim clarius probat casus quidam, Parisiis praeteriti temporis spatio eueniens, vbi industrii quidam fortunae clientes, rerum penuria coacti, ad

artem occultos thesauros detegendi refugerunt. Qui cel-
lam quandam vinariam, in qua reconditum esse thesau-
rum existimabant, cum ad vsum conducerent, ejus solum
effodientes, ab ancilla post aliquot horas operi quasi in-
tenti primo, posteaque surdi observati, ac demum a daemone
possessi ob avaritiam, palam exclamati sunt. Sed postea-
quam populus confluit, omnes hos fossores in mirabili
quodam situ deprehendit vere extinctos. Ille, qui ligone
terram effoderat, et socius, qui pala effossam terram re-
moverat, ambo pedibus stabant, quasi suo quisque operi
adfixus. Vxor unius, quasi ab opere defessa, in scamno
sollicito quodam vultu sedebat, inclinato in palmam ma-
nus, genibus innitentis, capite. Puerulus laxatis braccis
in margine excavatae foueae, defixis in terram oculis, al-
uum exonerabat. Omnes hi in naturali situ, carnea tan-
quam statuae, rigidi, aperti oculis, et vultu exanimis sta-
bant. Ratio huius eventus ex loci conditione facile erui
potest. Ex hac effossa enim tellure frigidissimus et tenuissi-
mus spiritus, qui exhalavit, eiusmodi fuit naturae, ut to-
tum horum fossorum sanguinem subito peruaferit, eumque
ita in ipsis partium musculosarum poris congelauerit, ut
fibrae carnea fistulares per totam corpus in motus aequili-
brio sint impeditae. Vnde necessum fuit, cum dire-
ctionis linea eidem horum cadauerum puncto responderet,
cui ante eorundem obitum respondebat, quod post
mortem in eodem situ et positura persistierint, qua ante
in vita extrema gaudebant *. Quodsi porro instituamus
examine subiectorum horum, videmus in utroque casu,
quando statim succurritur, thoracis angustiam, respirationis
difficultatem sine malo habito capite, vomitum, mucosa ex
naribus et auribus excreta. Aegri a metu suffocationis ita li-
berati, deinceps facile incidunt in raucedinem, tabem, pleu-
ritidem, peripneumoniam, febres, aliaque similia sympto-
ma-

mata vtp plurimum, quia sanguis et pulmones aliquantum vitiantur. Iungitur aliquando lethargus, vel apoplexia, aut ad se redeuntes delirant interdum; non tamen statuendum, hoc esse signum prius adfecti cerebri, sed potius spiritibus vitalibus, his fumis impraegnatis, et ad cerebrum promotis, superuenire tale symptoma, non vero proprium morbum constituere, censendum est**. Remedium porro quoddam clarius nobis ante oculos ponit, acidum sulphureum principium hoc in casu in culpa esse: fertur enim a nonnullis, quod, cum quatuor homines praefocati fere e loco extracti fuissent, & ex hisce vnus mortuus, tres vero adhuc viui deprehenso essent, hanc ob rem reliqui adstantes consilium iniuerint, eiusmodi patientes fimo equino calido vsque ad caput sepelire. Quod cum duobus ita fecissent, illos a malo liberatos esse, tertium vero, cuius propinqui hocce remedium, ceu turpe, damnassent, exspirasse. Huius itaque phaenomeni nulla videtur alia esse ratio, quam, quod aer condensatus, et particulis acidis sulphureis mixtus, per calorem fimi equini subtilior redditus, et per alcalicas huius particulas acidum, in corpus adsumtum, destructum ac expulsus fuerit; pari modo, quo quis titillationem in naribus, ab vsu raphani rustici, aut seminis sinapi, cum aceto praeparati excitatam, per panis fermentati odorem sedare intendit.

* CONNOR de antris lethiferis, artic. II, pag. 15, & 16.

** ETTMVLLER, oper. tom. II, part. I, colleg. pract. sect. XIV, pag. 191.

§. VI.

SIGNA, ex quibus concludere licet suffocationem ex musto fermentante esse praegressam, sunt communia fere cum reliquis suffocationis speciebus, & desumuntur ab ipsa respiratione cessante, tumore colli et faciei, cum colore rubicundo, spuma ante os, exporrectione linguae, muco, e naribus prorumpente, colore cutis subliuido, aut maculis subfuscis

subfuscis, et pulsu cessante. Quando autem eiusmodi hominibus in tempore auxilium fertur, ita, ut vita adhuc adsit, reperiuntur signa orthopnoeae, ut inspiratio expiratione sit crebrior, vel tremula, stentor, cum spuma, ante os, pulsus inaequalis, inordinatus, intermittens et parvus, oculi torui, situs erectus, cum pectoris denique angustia, dolore et praecordiorum anxietate; sanguinis enim motus intestinus ac vitalis obrutus et impeditus, non vero prorsus abolitus est, et motus progressivus valde obscurus, cumque magna debilitate durat, ita, ut pulsum in carpo non persentiscant adstantes.

S. VII.

DE futuro statu imminentis huius suffocationis quicquid porro Medicus certi sibi formare potest ratione vitae ac mortis, desumitur ex gradu et more huius adfectus. Si enim signa praecedentia adhuc sunt mitiora, bona sperare licet; si vero vidit symptomata sensim sensimque fortius urgere, dubia de salute spes remanet; ad extrema ventum denique est, quando spiritus adest parvus, frigidus, vix sensibilis et tardus, pulsus ex tardo factus nimis creber, et languidus, cum syncope. Haec breui vitam tollunt, pro ut est aër, materia morbi, vel in incremento, vel decremento, et provt homo longum temporis per spatium in illa vitam egit. Quando vero aliquid spei superest, datur modus, quo vertit natura suffocatum ad salutem. Homo enim a materia compressa, acida, ac coagulum humorum inferente, liberatus, et ex cella extractus, ita, ut utatur aëre puriori, saluatur per vomitus, effluxum sanguinis, ex ore, naribus et auribus sponte natura institutum, ubi sanguis, ad superiores partes propulsus, et vasa distendens, salutariter eicitur, ne horum tonum destruat, et spirituum animalium fluxum impediat, vomitus vero per conamina naturae viscidum sanguinem in pulmonibus conquassat, et subtiliorem red-

reddit, spirituum motum irritat, ita, vt Medico negotium inde facilioretur, id quod alterum supra (§. 1.) allatum exemplum confirmat. Nihil autem horum in subiecto suffocato si videmus, signa prolata probe sunt pensitanda, et medicamenta tunc omne absoluunt punctum.

CAPVT TERTIVM

DE

CVRA SVFFOCATORVM EX MVSTO
FERMENTANTE.

§. I.

VT alimenta sanis corporibus agricultura, sic sanitatem, vti omnibus, ita et hisce aegris medicina, in tempore propinata, promittit: Nam quando ii, qui animum ad artem curandi adplicuerunt, accersuntur, et vident naturam adhuc aliquid posse, quam maxime horum aegrotantium commodis inservire videntur, si commode cogitent, quomodo illis ex rationali pathologia desumptam per curam aliqua saltem pars minuatur mali, si non statim totum tollere morbum possint. Horum vero intentio ad sequentia directa debet esse momenta. Nimirum quoniam in ipso paroxysmo nonnulla semper urgent symptomata; istis erit medendum remediis contrariis, siue sint apoplectica, siue lipothymica, in quibus tamen aetati et sexui aliquid dandum, et temperamentum, quantum fieri potest, indagandum est. Postea cum sanguinis adsit in pulmonibus coagulum, ab infarctu bronchiorum, et coarctatione vasorum inductum, quod comprimit plexus nervorum pneumonicos; etiam id debet resolui, a vesiculis et substantia pulmonum abduci, et aequilibrium motus sanguinis, siue circulus istius, restitui. Acidum porro, aut gas musti sulphureum, quod con-

D

strin-

stringit et crispat vesiculas pulmonales, amouere, vasa contracta relaxare, et spasnum corrigere, Medicum oportet.

§. II.

HISCE igitur de causis Medicus, simul ac huic malo succumbentem vidit, munere suo recte fungitur, si statim sanguinem mittere semel, vel bis, pro conditione subiecti, et cum apertura satis magna iubet, et hoc vel ventileandi, vel deriuandi sine. Postea adhiberi possunt, quam diu aeger in paroxysmo iacet, excitantia, vt ex chirurgicis cucurbitulae maiores, vertici, dorso, et artubus, magna cum flamma, appositae, vel sine, vel cum scarificatione, porro linimenta spirituosa, frictiones siccae, et cum spiritibus, fortus calidi in brachiis, pedibus, et regione thoracis. Simili modo naribus et ori porriguntur spiritus vrinosi volatiles, vt $\sim \ominus$ *ci vinosus, cornu cerui succinatus, lilior. conuall. vrinofus, meliss. ror. marin. lauendulae, aquae apoplecticae, et aquae, cum vino destillatae, salia volatilia oleosa, &c. Potiones fieri possunt ex liquor. cornu cerui succinat. intermixto balsamo aliquo vitae, elixirio vitae Matthioli, Spiritu salis *ci anisato, sassafrato, cum aqua florum tiliae, ceraforum nigrorum, cornu cerui citrata. Clysteres reuellentes adplicantur ex rad. helen. bryon. cyclamin. herba marrub. alb. hyssop. cerefol. fol. senn. cum aqua simplici, quibus deinde colatis additur oxymel scillitic. cum sale gemmae. Laudatur a nonnullis, si antecedentia voluntati Medici non respondeant, inflatio aëris per os, aut nares per follem, quod tamen vt fiat caute, necesse est. Tali enim modo aër inflatus serenus impurum extrudit, et cum sanguine mixtus, illum iterum elasticum, secundum eorum opinionem, addit. In summa, profunt remedia in paroxysmo apoplectica,

ctica, neruina et cordialia, quae ratione sexus cum veterinis, castorinis, succinatis, ex asa foetida paratis, anthophyllis, galbano, ∇ a vitae mulierum, et ceteris miscentur. Vitentur tamen maximo studio opiata et narcotica.

§. III.

AEGER quando hisce medicaminibus aliquo modo subleuatus est, vt respirare liberius incipiat, et aliquid deglutire valeat, tunc in vsum vocanda pro resoluendo sanguine sunt diluentia et humectantia, diaphoretica, diuretica, bezoardica cum mitioribus bechicis commixta; qualia sunt ex alimentis iuscula ex brodio carnum, potus thee, decoctum auenaceum, hordei cum cornu cerui et scorzonera, rad. glyzyrrhizae, polypodii, foeniculi, tusfilaginis, angelicae, carlinae, contraieruae, gentianae, helenii, chinae, ir. Florentinae; herba hyssopi, cerefolii, costae, tusfilaginis, bellidis, botryos, veronicae, pilosellae, pulmonariae, trifolii fibrin. scordii, cum caric. ping. dactilis filiqua dulci semine anisi simplici et stellato. Cum eiusmodi decoctis, infusis et iusculis dantur commode pulueres resoluentes et pectorales, vt puluis pectoral. resoluens et balsamicus Wed. vel per se, vel cum pulvere bezoardico Sennerii, Wed. et Dom. Praesidis, specifico cephalico, epileptico March. cum elaeosacchar. anisi, citri, cinnamomi, confectioe alkermes completa, vel incompleta, prout aeger odorata fragrantia magis, vel minus ferre poterit. Ex liquidis concentratis in hoc casu optima sunt Elixiria pectoralia, vt Wedelii, Elixiria vitae, vt Owerkampii, et le Mortii, quae confortant, quo referri debent Emulsiones confortantes, morsuli confortantes. Emollientia et anti-spasmodica, extus pectori applicata, coarctationem thoracis, et vesicularum pul-

monalium crispaturam corrigunt, qualia sunt linimenta in primis, et unguenta, ex oleo amygdalarum dulcium, cum spermate ceti, ol. chamomillae, anethino, cheirino, castorino, unguento de althea, potabili rubro, pectorali, cum oleo destillato anisi, foeniculi, anthos, menthae, item Sacculi et fotus calidi.

§. IV.

VITAE genus denique medicamentis respondere debet. Aer enim, in quo degit aeger, esto serenus, purus et temperate calidus. Nocet namque nebulosus, pluuiosus, vel acidis sulphureis particulis impraegnatus. Victus sit tenuis, et vitentur omnes cibi acidi, saliti, acres, potus frigidus, animi pathemata, suspiria, anxietas, moestitia et terror, tanquam maximi coagulatores, et acidi auctores, ita, vt animus, cum corpore, quietus et placatus permaneat, cum quies corporis moderata arrideat, et omnia, quae acidum suppressunt, in hoc malo optatum dent finem.

